

叙

古者列國皆有史掌國中之書
上達於王而天子有小史內史
掌邦國四方之志周禮所載厥
制甚詳其在今日積郡縣所上
裒之成一代全史此物此志也
故雖區區一邑之書學士大夫

叙

一

每慎言之而惟吾景之志則脩
之更難亦脩之蓋亟古來著作
之林各有困源廬陵五代史卓
然諸史之上而論者謂其善學
史記霖甫視吏即繙閱州志頗
怪其罅漏無徵紛拏失次乃至
廣川觀津之外譌龍頤章安呂

望孫臏之附會未易更僕數乙丑春王始獲覩舊志雖紀載略為清晰而魯魚亥豕已莫可究詰矣闢蠶叢開鳥道知非大力者弗能勝也故曰難也從來文獻無徵空言無補宋元以上雖州乘缺略然史冊班班有心者

猶得按籍焉至如近代名賢或姓氏未藏于故府或著述未入於輶軒州乘所載已屬寥寥則他無問矣而無關於風俗名教之大者方且為之筆禿十甕紙貴洛陽也在今日則為旁搜為別裁蓋相需孔亟矣夫置身局

外以自文其陋与冒昧從事而不顧所安雖所托不同而失則均耳霖久抱斯願會江寧守張公華年暫蹶歸里頗亦陋其從前所輯相与造司空魏公之廬而請焉公曰此大夫事亦老夫事也顧老夫耄矣一知半解不

叙

三

敢自悶若今類纂編則問諸吾州之富於學而盛于年者于是詢謀僉同延進士趙君移孝廉李君基塙明經劉君鵬振而咨之始皆謝不敏霖固請李君避席曰昔范石湖作吳郡志有求載某事不獲者於其尋歿詆為

偽書石湖且狀況其散焉者乎
霖曰謬膺長吏事關名教弗敢
引嫌惟是疆里溝涂沿革之變
土宜民情人文盛衰之殊諸君
子幸廣諏博采以匡所不逮適
吾鄉趙子貴櫟公車道景霖為
下徐孺之榻焉相与芟除蘓苒

叙

四

斟酌義例甫脫稿去之燕臺霖
懼兩月之功推敲未允爰以退
食寸晷熱膏較訂凡四易稿而
書始成付之剞劂氏其發凡起
例業備列左方而復曉曉藺端
者蓋霖反覆于志之始末而重
有感也景于古為齊趙之交三

代人文第弗深攷兩漢呂降醇
儒若江都直節如咸陽雖殊俗
異方仰瞻星斗矧生同大賢之
居者乎詩有之高山仰止景行
行止景之時義大矣霖願此邦
人士體三策之言以端學術繹
五異之論以厚風俗相與嚮往

叙

五

先型以無負乎建邦錫名之意
霖承乏茲土實嘉賴之若乃塔
影河流侈陳景物亦志家之折
楊皇芩也霖姑舍是軋隆十年
七月朔日
賜進士出身知景州事傅野屈
成霖叙



蔣北李基塙書

叙

六

重脩景州志敘

國家聲教覃敷幅員萬里重熙累洽號稱至治歲壬子輔臣請脩

大清一統志以記厥盛部覆奉有

俞旨通行直省所屬州縣衛所各編通志上佐

昭代文獻煌煌巨典洵曠世而一見也魁備員景牧欣逢

盛事敢不恪奉恐後哉念魁廣寧下士叨父廕筮仕淳令歷陞州府都運謫補今職習吏廿載中多茅塞著述之任豈謏劣所可克勝爰進廣文王君時雍而諮之擇諸生中博學者六人曰呂克諧吳長

張敘

一

策馬萬里申鍾嵇宋錦李國祐工書者二人曰張世則聶經開局於名宦祠中給以筆札飲膳俾纂輯之搜勝國之殘編續近代之軼事幸非無徵因附以臆見定厥體裁分爲四卷列爲二十四目書成恭進例得拜稽颡言以弁簡端夫州之有志州之實錄也豈徒爲聞見考稽之資抑將以補偏救弊起衰維風而貽生民樂利於無窮也景爲州屬瀛海魁曩刺府事景之俗尚民情固嘗悉其大槩及辛亥秋之親牧茲土也目擊城垣頽敝官舍平蕪學校圯壞怵怵心動甫受事卽有編審之役逐戶詳核殘疲子黎鶉衣鵠而不忍見聞未幾復奉

憲檄督壕墻單騎減從周行阡陌地多鹵薄卑下
旬日不雨田禾盡焦一遇秋潦衛河決溢則悉爲
魚鱉豈非以界於德吳而難於防乎又當南北孔
道水陸交衝公私驛騷亦云憊已比年來蚤作夜
思不遑寧處城舍雖議脩矣而屹然金湯有基勿
壞未可以旦夕而責效也澤宮雖捐葺矣然所貴
乎學者當非僅取墻壁具而已敲扑不事國賦縱
云全完而糧從地起地去糧存者未盡乏也萑苻
無警百姓幸爾粗安而思患預防保無有意外豕
突之虞乎以迨積穀備荒築隄捍患養老恤飭種
種大政此皆守土之責不得等諸秦越人之肥瘠

張敘

一一

而膜外置之者也魁聞之矣致治之道在力行不
在多言奉公之要貴實事不貴空文亦惟是精白
自矢痼瘵乃身思日孜孜以圖之庶克副上臺訓
戒安民之至意以仰贊我

國家興隆之治於萬一云爾

康熙十一年歲次壬子季冬吉日景州知州張一

魁謹敘

續脩景州志敘

景郡卽古舊地歲己未珂來牧茲土甫下車卽訪治問俗求所謂往規而因之得景志四冊廼前任張守所訂者因撫卷歎曰後之視今猶今之視昔微此編則往事散軼而後來者何所攷乎越歲庚申奉憲檄將康熙十一年以後事續編成書風塵下吏謬膺斯任惴惴滋懼爰進文學呂生輩取前志而纂續之因復親爲校訂付之殺青志成敬進例得有言弁端竊謂志者識也所以鑒古而垂後也自有郡以來宦斯土者夥矣爲民所尸祝者凡幾爲民所嫉怨者凡幾及碌碌無所短長者凡幾

張敘

一

後之君子宜何居焉式董子之閭弔伯恭之墓心竊嚮慕之郡子弟能嗣前徽亦有司高山仰止之一助也而且重有感矣景界在燕齊間當水陸之衝軍興以來減存差繁民亦勞止兼之頻年荒歉雨澤後時雖齋心步禱多方賑恤不至流離失所然元氣未復卽補苴目前奚益也堞隍脩歟水利興歟恐未信之民竊以爲厲矣習俗敦歟廉讓崇歟民生未厚未可遽言正德也凡此皆今日政治民生之大者非長吏之責而誰責哉恭逢

皇上天威遐暢諸逆削平百姓有息肩之期憲臺攬轡伊始風清畿甸監司郡伯各上臺罔不仰體至意

以撫綏元元爲勸誡此宇內大治之機非第景民
之幸已爲下吏者若不恪恭從事而徒以虛文塗
飾也則非誼之所敢出矣珂用自勗且願爲諸同
人告焉

康熙十九年歲次庚申九月奉直大夫知景州事
關中張鳴珂撰

景州志原敘

圖畫景之形跡者點綴宛然可觀歌咏景之風物者興趣悠然堪聽苟圖畫而入諸志則其點綴之委曲將益備也并歌咏而入諸志則其興趣之暢達將具悉也胡圖畫歌咏之垂固家傳而可遍傳記表志之缺乃自昔而迄今何哉嘗思之逞辭者才或畏蒙好醜紀事者籍或畏議簡繁州值征冲則歲月易移政馳急務則文墨竟廢然景地非小也雖小何可亡志也彼一念之光明觀心者尚冀其久畜一人之善行取法者尚爲之默識則宦蹟所及可無以志其跡哉故吾嘗登董子書臺適觸

羅敘

一

夫正誼明道之心望亞夫荒塚聿動夫陳詞薦酒之享巡三夏之阡而農家胼胝力穡聽兩造之訟而民多淪變安貞車挽肩負者顧孰與不足以有易無者皆莫之或欺因訝俗何其樸厚也似遊于懷葛之民物中也時何其太和也似在于虞周之宇宙間也烏得莫之志以貽後人仰思哉適越徐君大佑司訓州庠素富于蘊籍猶有奇思能勤于綴文猶有高識遂專意以志屬之復冀其往不必追也議不必計也稽之鑑首于威烈無始也禮缺于冬官罔終也古事然也何惑于今是故文獻之不足者田無徵不知爲不知者曰闕文能附會而



不敢附會者曰傳疑古之畧者若是也載詳□□
第而人譏之曰是何進士錄也載詳于賦役而人
譏之曰是何黃白冊也今之詳者若是也茲惟盡
已事焉耳獨志有訓誡焉檇杙春秋均一史也春
秋以褒貶嚴而著爲經長編綱目亦均一史也綱
目以是非當而守爲式徐君其急訓誡哉兩月而
編集告成果可驗其所養矣凡六綱十二目篇有
佳妙字皆精確搜覽悉而選擇純彙集當而發明
麗許因備閱而謂此之觀聽者遠也圖畫云乎哉
歌咏云乎哉于是億自昔志之缺者其亦有待矣
乎

羅敘

一一

隆慶壬申重陽日景州知州羅許撰

景州志例言

習簿書不任風雅於志乎何有且其事州人之事也有舉莫廢待請而後報未晚然成霖爲政多拙遲之今五年矣魯人有負版者吾師見而式焉竊以是爲拙者之效

朔志以來經三四輩其道宜因顧建置一條東漢爲廣川縣疆里一條故國廣川王故縣觀津城池一條古弓高方物一條穀宣稻又封爵晉趙鞅宦蹟魏岑文瑜鄉獻周呂尚以下紕繆不可勝數至其分類標目往往一人而互見一行而異門他若河防水利闕焉不詳皆乖刺之尤者是編鑿龍門導積石故非猶述而不作已也

例言

一

使夫踵前人之業其不至於汨陳者幾希

景自古爲舊縣元太宗八年始移東光之景州來治以舊爲附郭更領故城阜城東光吳橋四縣明太祖洪武七年省舊入景去阜城而領縣三 本朝因之載在國史則三縣之建置人物例宜並見自雍正年間景州與故吳東三縣體制私更以從寅好無復統轄之舊則州自爲州不必顧彼而失此矣第建置關乎成憲沿革仍不可不詳至人物各負其地之所產故獨記本州而舊志所載三縣人物概從沙汰其諸史不言舊者亦不具

錄

周禮職方氏掌天下之圖籍邦國都鄙瞭然可指諸掌

圖未廢而按其疆域率紊何也身之者不必圖圖之者不必身茲圖之成故常合兩人爲一人而又嚴尺寸以限之察銖黍以析之始也不務工巧而務精能及其精能之至則亦工巧之至矣

古人之已朽者面目未朽者精神史冊不備其精神亦徜徉無所屬耳太史公獨能出其精神與古人之精神遇每立一傳不啻其自爲傳也且傳之之法又不欲人人而傳人人而傳傳者與傳之者之精神索然兩盡矣知此意者然後可與立言

士君子立身本末要當付之天下後世並時而生例不應書故雖德劭位隆僅著其官于年表不敢有乖體例

例言

一一

妄贊一詞

君子之于人善善長而惡惡短士大夫或單辭片語相告隨事附見因類以從旣已不没其人之實矣未喻者若欲求多于是夫是非徒文乏謂也當亦諒諸

高士達以羣盜不書惡作亂也封津兄弟以宦者不書戒小人也春秋之義防微杜漸正名定分如斯而已有明季葉逆魏擅朝學士大夫不免於失足之悔然後大盜並起而國隨以顛履霜堅冰至可勿愼哉

風雅不廢各有淵源古人主持是道而別裁之法不以前輩宗匠稍存假借陸士衡云苟傷廉而愆義亦雖愛而必捐者是矣

凡編纂有局有司有分校東觀羣儒其濫觴也不知古史皆出一家況郡邑蕞爾者乎且如村舍之遠近南北之廣狹土地之肥磽民情之趨向士大夫之賢否利與害之因時而當有損益惟其平日嘗究心焉故條分縷析言之能詳而人不易欺不然紙上談兵耳今志始於乾隆甲子嘉平月朔卒業於明年乙丑四月哉生朏閱時僅四月而不以簡率病者志之爲言心之所之也成霖之志先其心及乎心之所形而後成之爲志者則志又其迹也

人之情貴遠而賤近維桑與梓必恭敬止者謂何景之先達宦游在四方見聞滋廣頗亦陋其從前所纂輯然

例言

三

則以是編爲塗以余爲識塗之馬風塵下吏蹀躞不辭固也奚結習之足云

官署無他書可考于舊志外得河間郡志決擇頗精然大要以諸史爲斷徵事不核懼有乖離載筆不文自慙學力至于訂疑析異博採兼收大司空魏公以通儒碩德誨益良多名進士趙君輩愛而相助互有叅稽孔子不云乎魯無君子斯焉取斯幸已

景州志目錄

李基塏

常熟屈成霖纂輯

州人趙 移全較

劉鵬振

卷首

宸章

卷之一

建置沿革

星野

疆域 圖全

城池 圖全 橋坊附

目錄

—

官廨 圖全 倉驛附

壇壝 圖全 祠廟附

學校 圖全 書院義學附

風俗

河防 圖全 水利附

卷之二

鄉屯 圖全

戶口

卷之三

田賦 鹽政附

兵防 武職附

